

sunt mali : quia judicium nostrum pervertunt, & in magnas molestias , morbosque, & alia mala nos præcipitant.

XXVI.

Quia autem pleræque nostræ actiones cogitativæ affectibus doloris vel voluptatis sunt comitatae , hinc fere omnis nostræ vitæ beatitudo vel miseria in bono vel malo affectuum regimine constitit. Qui itaque felicem hanc desiderat vitam , omnem adhibeat operam , ut dolorem tactorum per remedia medica , reliquosque affectus per rectum judicium , & rectorum judiciorum , bonorumque affectuum notas, cerebro impressas, ac subinde etiam per mentis ad alia conversionem, ut superius monuimus , discat moderari. Neque hoc erit difficile , exerceamus nos tantum , nec quicquam procrastinemus.

Verum dum plerique hic se exercere detrectant, totam vitam, sub gravissimo pravorum affectuum tyrannide , miserrime ducunt.

F I N I S.

Pag. 5. lin. 15. lege nonnunquam à mente determinantur pag. 8. lin. 17. lege cachinnus. p. 14. lin. 24. lege Tristis contemtus est tristitia.